

Արդ սարգայնոց ընդհանուր տեսութիւնն այս է :

Թորաւորք կը կոչուին , բաւ որում նման քսակներ ունին շնչառութեան ուրոշուած : Աչքերնին՝ վեցէն մինչև ութ : Նոստիկնին եղջերեայ շարժուն կեռով մը կը վերջանայ որ միշտ վրանին կը ծալուի , և ծայրին մօտ նուրբ ճեղք մը ունի , ուսկից թոյնը կը վազէ : Որովայննին կակուղ և առանց մասնաւոր բաժանման , սրուն ծայրը չորս ցցուած պտկունք կան , մաղակերպ ծակծկած , ուսկից մետաքսեայ թելեր կ'ելլեն : Շօշափուկնին ոտնանման , հինգ յօդուածով , առանց սրածայր կեռի . միայն երբեմն ետքի յօդուածին վրայ սրածայր ուռեցք մը կ'ունենան , նշանաւորու սարգայնոց : Չորս զոյգ ոտք , վեց վեց յօդուածով :

Այս՝ ընդհանուր տեսութիւն :

Հ. Յ. Վ. ԻՍԱԿԻՐՏԵՆՅ

Կը շարունակուի :

ՃԱՆԱՊԱՐՀԱԳՐՈՒԹԻՒՆ ԶՈՒԱՐ ՃԻՅԵՐՃԻ ՕՂԼՈՒ ՔԱՀԱՆԱՅԻ

(Տես Ին տարի երես 370)

Ապա զնամք սուրբ յարութեան զըռան աջ կողմն , որ ասացի թէ երեք երեք սիւն կայ երկու կողմն . այս կողմի երեք սեանն մէջ տեղի սիւնն պատառեր է քիլիկի նման մէկ և կէս արշուն կայ . զպատճառն սորա պատմեմք . ումանք կ'ասեն թէ բազում ազգատ մնացեր դուրս և ոչ են առեալ ներս , նորա համար պատառեր է սիւնն այն , և անտի ելեր լոյսն . — ոչ այսպէս . այլ առաջի ժամանակն՝ միւթէվէլլի քով եազընին հրեայ է եղեր . տեսեր որ այնպէս հրաշք կու լինայ՝ նախանձ կ'անէ կ'ասէ թէ զալու տարի բան ինչ խորհիմ , և միւթէվէլլուն միտքն կու գողանայ մինչև հազար զուրուշ կու տայ թէ խթման օրըն մի բանար , սղբայ որ

կայ՝ սուտ են , ասելով . և նայ կու հաւանի նորա խօսացն և կ'առնէ զհազար զուրուշ . և խթման օր ըխտաւորք կու ժողովին՝ ի մի տեղ , թէ մրանունք ներս որպէս սովոր է : Այս միւթէվէլլին չի բանար զզուռն , Հայք Ֆռանք և Յունք , վէքիլք և թէրճիմանք՝ ի մի տեղ կու գան , թէ ընդէր չես բանար , այսպիսաւորի չէ եղեր ընդէր այսպէս կ'անես . և նայ պատասխանեալ թէ այսօր չեմ բանար բայց վաղն կու բանամ . և անիծեալ Հրեայն այն իբր չգիտելով անմոռնչ կանկներ է անդ . և յորժամ եղև օրն հասարակ , դեռես կու վիճեն թէ բաց զզուռն . և ըխտաւորք զմոռնին՝ ի ձեռին իւրեանց՝ ունելով լաց և հառաչանք անելով , եկն ժամանակ լուսոյն . յանկարծակի որոտմունք իբրև ամպ գոռաց . և ձայնէն ամենեքեան զարհուրէին . և միւթէվէլլին այն խեղճ մոլորեալն և հրեայն ընդ նմա կու հայէին այս կոյս և այն կոյս . և որոտմունքն սաստկանայ քան զչափն աւելի . և իսկոյն սիւնն այն պատառեալ և լուսն անտի ճառագայթեալ , որ ըխտաւորք անտի կու լուսաւորին , և միւթէվէլլին խախը կու լինա հանգերձ Հրէով : Եւ յորժամ այսպէս կու տեսանեն ակններև հանեալ զսուրն և թափին վերան , զհրէայն կտոր կտոր կ'անեն : Այն տարին այսպէս հրաշք է եղեր . յետնորա զուռնն առաջև խոշոր գամեր զարկած ի դետնի , թէ այն օրն ով դը կարողութիւն ունի մէկ կամ երկու աղբատ ներս առնէ . վերջն մնացածն թաղաւորին և միւթէվէլլուն գլխուն սատաղաներս ընու , եթէ դը անդգնի կամ պատճառ լինա՝ այն գամերն իւրեան տէիցն մէջն միովի . և յետոյ պայման եգեալ քաղաքացիք , թէ զատաւորք այս երկու դուան արալըխն հրէայ տեսնէք՝ իսկոյն սպանէք զնայ առանց յապաղելոյ . և կայ այս պայման մինչև ցայսօր , որ այն տեղացն հրէայ չի կարնար անցնիլ : Եւ այս է ստոյգ պատճառն , եզբայր , և քրիստոսի փառք :

Եւ այս պատառած սեանն կից է զանկախատունն փառաւոր և գեղեցիկ

բարձրաշէն, եօթը տապաղա, և գլուխն
թագանման, և ունի երեսունըմէկ լու-
սամուտ. 'ի բոլոր լուսամուտներուն՝
հարիւրերեսունընչորս բարակ մէրմէր
սիւն. և կէս տեղն Հոռմոց վանից զգեստն
է, և ունի շորապան¹. և ներքէն Յու-
նաց ազգին փոքրիկ եկեղեցի Յոհաննու
աւետարանչի: Եւ 'ի այս մէյտանն հար-
ցանես եղբայր, երկայնութիւնն երեսու-
նըչորս ատրմ² և լայնութիւնն քսանուի-
րեք ատրմ. բակին ճակատն երեք զա-
տէմէ. այր և կին ծեր և տղայ այնչափ
կու լցվին որ ասեղ ձգելու տեղ չկայ.
սախըն կեցիր եանքէսիճիէն, մարդոյ
աչից ծարուրն կու գողանան: Անդ նրա-
տեալ սարաֆներ ոմն մանգրը զիզեալ,
ոմն զօլթայ կու աւրեն, և ոմն ոսկի.
իշալլա՛, այնպէս հարուստ են՝ որ մէկ
ոսկի մի աւրբես առաջին բան չմնար:
Աստ ևս նստին պիւլէղիքճիք, խունկ ծա-
խող, միսք, սապոն, հալղաճի. տաանը-
չորս զատէմէ է մինչև 'ի փոքր դուռն.
աստ նստին աղբատք: Լաւ իմացի թէ
ինչ կ'ասեն. հալղաճին կ'ասէ, թէ
միսք՝ հալխայ, ֆախիր ֆուխարէ՝ միսքի.
միւսն թէ, քօր միսկն միսքին միսքի. մէկն
այլ թէ, Աստուած ողորմած, միսքի. այլ
և միւսն կ'ասէ, թէ իշալլա՛ մերձ-
մէթ միսքի. կէսն հայրէն կէս արպերէն
ջարդելով. իմացիր որ միսքի ասելն քէ-
չիյին կ'ասեն:

Այն փոքր դուռն նեղ հաղիւ դուրս
կու ելանես զալապայրիսէն. ձախ կողմն
խանութ մի՝ որ զօլանճի է, Հոռոմ խէն-
նէ անունն, որ Յոհաննէս թարքմանի.
քոֆն դուռ մի շէխ Մուստաֆային
տունն է, և է սորայ կից սափրիչի խա-
նութ. մի այլ 'ի վեր հէլվաճու խա-
նութ, պապուճճի զանութ. այլ 'ի վեր
պիւլէղիքճու խանութ որ աստ նստին
կանայք² առնելով՝ օսանմիշ չեն լինար,
և նայ ծախելով: Ապայ այլ 'ի վեր գաս
աջ կողմն քօչէին գլուխն Հոռմոց վա-
նից դուռն է. այս կողմն կու գնայ գէպ
'ի Ֆռանկաց վանքն. ձախ կողմն խըպ-

տոց և Հոռմոց խանութներ. երբ ձուկ
գայ Եաֆայու՝ աստ ծախեն: Սորայ սը-
րան կայ բաղանիս. սուրբ Յօհաննու
փոքր վանքն Հոռմոց ձեռքն է, զիմացն
խանութներ, ճէմճի, չիլինկիր, սան-
տըխճի, պէրպէր, զահվէղանա. մի
կողմն կու հայի պիւրքէին վերայ. այն
զիմաց բաղանիսն այս պիւրքէին կ'եր-
թայ ջուրն քէմէրին վերայով: Ե'կ քօ-
չէն՝ որ յէնկիշէրիք կու նստին որ է
զահվէղանա. ապա ելանես 'ի վեր մեծ
մէյտան, և բերդի առաջնօրն գնաս 'ի
վանքն:

Յետ դառնամք սուրբ Յարութեան
միւս փոքր դռնէն դուրս ելնես. աջ
կողմն մեծ պաղչայ մի որ գառնապիտի
մեքան է. աստ են թապախներն. ա-
ռաջ գնա՝ սուրբ Ստեփանոսի եկեղե-
ցին. որ այժմուս բանդ է. ով որ պար-
տաիրաց այս բանդն դնեն, առանց
փակի առաջին մեծ բակ, շուրջ կու
գայ դուռն բաց, ոչ որ չի կարնար դուրս
ելանել. ամէն մարդոյ իւր պարտատէր
գայ առնէ զպարտական և հանէ դուրս:
Գնաս առաջ որ շուկան պիտի երթաս.
ձախ կողմն սուրբ Աստուածածնայ զե-
րեզմանին ճանապարհն է. և շատ տեղ
կու գնայ. և աջ կողմն մուտ դռնէն
ներս, Հայք զազանճիք, իփլիքճիք, պոյ-
եայճիք, զասապք, պախալ, չախըլ
պիտէճիք, աշճիք, քէպապճիք, զուն-
տախճիք, սառաճք, զազէզ, ճիզմէճիք,
զաւախճիք, պողրկեանք. մինչև 'ի վայր
դուռն գեղեցիկ տաճարին. և աջ կողմն
մէհքէմէն մոանես ներս. մէջ տեղն
շատրովան, որ վեց տեղաց կու վազէ
ջուրն. և ելանես դուրս, զիմացն աղ-
բիւր մի. մի ասեր թէ յերուսաղէմ աղ-
բիւր չկայ. սորայ ջուրն հայր Աբրահա-
մու այլ հեռուէն կու գայ. սայ աղբիւ-
րին քով դերձկի խանութ մի. ով մօլ-
լա լինայ՝ դերձակն աստ նստի. և ես
անդ շատ մուհասէրէ քաշեցի. և էր
դերձագն ինկիրցի Պետրոս անուն
կտրիճ մի. մինչև 'ի զատիկ կեցայ և
զնացայ:

¹ Զգեստի, լաթի վերակեցու:

² Բառ մը կը պակսի: